

KUSHTET E PERGJITHSHME TE SIGURIMIT TE NXENESVE DHE STUDENTEVE

Neni 1. "PËRCAKTIME"

1.1 Kushte te Pergjitheshme te kontrates per sigurimin e Nxenesve dhe Studenteve ne Republiken e Shqiperise, ketu e me poshte quhen "**Kushtet e sigurimit**". **1.2** Deshmia per nenshkrimin e kontrates se sigurimit quhet **Polica e Sigurimit**. **1.3** Shoqëria e sigurimit **ALBSIG SHA**, këtu e me poshte quhet Siguruesi. **1.4** Te bashkesiguroar sipas ketyre kushteve te sigurimit perfshijne nxenes/studente dhe prinder/kujdestare ligjore. **1.5** Nxenes sipas ketyre kushteve te sigurimit jane te miturit mbi moshen 5 vjec, të cilët frekuentojnë ciklin e arsimit parauniversitar, ose të ashtuquajturin arsim të detyruar. **1.6** Studente sipas ketyre kushteve te sigurimit jane personat madhore (mbi 18 vjec) te cilet kryejne studimet universitare, pasuniversitare, fakultetin e dyte etj. **1.7** Kontraktuesi është personi i cili nënshkruan policën e sigurimit dhe paguan primin e përcaktuar ne emer te Bashkesiguroarve. **1.8** Aksident do të quhet çdo ngjarje që ndodh per shkak rastesor, të dhunshem, të menjëhershëm, të paparashikuar dhe të jashtëm, i cili pavarësisht dhe i pa favorizuar nga çdo shkak tjetër rezulton në dëmtime fizike objektivisht të verifikueshme, si pasoje e të cilave mund të vertetohet paaftesia e përkoheshme, e përhereshme dhe/ose vdekja aksidentale. **1.9** Paaftesia e perhereshme, do të thotë pamundesia e plotë ose e pjesshme e Nxenesit/Studentit shkaktuar nga aksidenti, per të vazhduar procesin mesimor didaktik ose frekuentimin e institucionit perkates arsimor. Do të konsiderohet si e tillë: **a)** humbja totale dhe e pa riparueshme e shikimit të dy syve, **b)**

humbja totale, nga gjymtimi fizik ose funksional e dy ose më shume gjymtyrëve së bashku, **c)** humbja e plotë e shikimit në një sy dhe e një gjymtyre së bashku, **d)** paraliza e plotë ose paaftesi totale (përveç atyre të permendur më lart), që pengon të bashkësiguroarin ne cilësinë e Nxënesit dhe Studentit në permbushjen e detyrave. Humbja e një gjymtyre, do të thotë humbje fizike ose funksionale, si pasojë e aksidentit, e një dore deri në/ose mbi artikulationin e brrylit, ose e një kembe deri në/ose mbi artikulationin e gjurit. **1.10** Paaftesi e perkoheshme do të thotë mungesa e Prindit/Kujdestarit ligjor ne marrëdhëniet e punes, si domosdoshmeri e asistimit te Nxenesit qe ka pesuar nje aksident, per nje periudhe prej jo me pak se 5 dite deri ne 90 dite (te vijueshme ose jo) sipas rekomandimit te mjekut kurues. **1.11** Vdekja aksidentale, është humbja e jetes si rezultat i një aksidenti, por jo më vonë se 12 muaj nga data e ndodhjes së tij. Kjo police nuk mbulon vdekjen per shkak të semundjes. Gjithashtu humbja e jetes nuk mbulohet kur favorizohet nga probleme mjekesore paraekzistuese, pavarësisht se ka lidhje me një aksident. **1.12** Zhdukje, secili prej te Bashkesiguroarve do të konsiderohet i zhdukur, në qofte se trupi i tij nuk gjëndet brenda 12 muajve nga data e ndodhjes së aksidentit, me kusht që të ekzistojne prova të mjaftueshme që aksidenti ka sjellë vdekjen e tij. Nëse secili prej te Bashkesiguroarve rezulton i gjallë pasi Siguruesi ka paguar perfitimin e vdekjes, ateherë Siguruesit duhet t'i kthehet kompensimi i perfituar.

Neni 2. "OBJEKTI I KONTRATËS"

Objekti i ketyre kushteve te sigurimit eshte marredhenia juridike ne te cilen Siguruesi kompenson ne rast aksidenti: **Per Nxenesin/Studentin a)** shpenzimet e trajtimit mjeksor ne te gjitha entet shendetesore; **b)** shpenzimet per medikamentet mjekesore te perdorura jashte enteve shendetesore; **c)** paaftesine e perhershme te plote ose te pjeseshme sipas ketyre kushteve te sigurimit. **c)** vdekjen ose zhdukjen e shkaktuar nga aksidenti. **Për Prindin/ Kujdestarin Ligjor: a)** Paaftësinë e përkohëshme sipas këtyre kushteve të sigurimit; **b)** Vdekjen ose zhdukjen e shkaktuar nga aksidenti; kundrejt pagimit të primit të përcaktuar në Policën e Sigurimit.

Neni 3. "EFEKTET JURIDIKE DHE FINANCIARE TE CILESIMIT TE BASHKESIGURUARVE - "BASHKEPERFITUES"

Te Bashkesiguruarit sipas ketyre kushteve te sigurimit jane njekohesisht Bashkeperfitues per kompesimet qe rrjedhin nga vertetimi i rastit te sigurimit.

Neni 4. "RREZIQET E SIGURIMIT"

Kjo kontratë Sigurimi mbulon pasojat e aksidentit që pëson i Bashkësiguruari përgjatë periudhës së mbulimit të shënuar në policë dhe përcaktimeve të kësaj kontrate. Per efekt të mbulimit në sigurim do të konsiderohen aksidente edhe: **a)** Helmimi akut nga thithja apo gellitja e substancave të ndryshme me veti helmuese; **b)** Mbytja; **c)** Ngrirja; **d)** Goditja dhe djegia nga rrezet e diellit; **e)** Demtime te shkaktuara nga sforcime fizike (perjashto hernien); **f)** Asfiksise me origjine jo patologjike; **g)** Mungesa e perves apo pakujdesite; **h)** Trazirat masive civile apo aktet terroriste me kusht qe te Bashkesiguruarit te mos marrin pjese aktivisht ne to.

Neni 5. "RREZIQET E PERJASHTUARA NGA MBULIMI"

Kontrata e Sigurimit nuk mbulon dëmtimet që pësojnë te Bashkesiguruarit nga aksidentet e shkaktuara prej: **5.1** Luftës ndermjet fuqive ndërluftuese, pavarësisht në se nje gjendje e tille (lufta), është shpallur ose jo, luftës civile, rebelimit, revolucionit, revoltave të brendshme, grushteve të shtetit; **5.2** shperthimeve dhe radiacionit të energjise berthamore, pavarësisht nga origjina e tyre; **5.3** permbytjeve, zhvendosjes së tokës, tërmetejeve, shperthimeve vullkanike; **5.4** drejtimit apo bashkedrejtimit të një mjeti motorik tokësor, ujqor, ajror, kur vete i Siguruari nuk është pajisur me dokumentin perkatës të aftësisë së drejtimit të mjetit, ose të qenit pasagjer në mjetet si me siper, të pa autorizuar per transport pasagjerësh; **5.5** perdorimit të aeroplanëve pa motor, qëndrimit si pasagjer në to si dhe parashutimit; **5.6** perdorimit të lëndëve me natyre eksplozive dhe korrodivë (gërryese), perveç kur është në permbushjen e detyrës profesionale, të deklaruar në policen e sigurimit; **5.7** perfshirjes në aktivitete të paligjshme, apo kriminale; **5.8** akteve të kryera me dashje nga i Siguruari ose Perfituesi në dëm të shëndetit të Siguruarit dhe/ose tentativave per t'i kryer këto akte; **5.9** perfshirjes në sulme apo veprime dhe kundërveprime të dhunshme të provokuara me të tretët, perveç rasteve të qënies në kushtet e mbrojtjes së nevojshme; **5.10** ekspozimit të hapur dhe me dashje perkundrejt rreziqeve, perveç kur qellimi është shpëtimi i jetes njerëzore; **5.11** ndikimit të alkoolit dhe drogës, perveç se kur droga merret me rekomandimin e mjekut me qellim shërimin e vesit dhe pasojave të tij; **5.12** shtatëzanisë, lindjes apo abortimit të fëmijës; **5.13** sëmundjeve veneriane, sëmundjeve seksualisht të transmetueshme, sëmundjeve si pasoje e virusit HIV perfshire

Sida, si edhe të çdo sëmundje që prek të Siguruarin pa patur lidhje me aksidentin; **5.14** ndikimit të çdo lloj defekti fizik apo mendor paraekzistues, përveçse kur është deklaruar përpara lidhjes së kontratës, nga i Siguruari; **5.15** ndërhyrjeve kirurgjikale, kontrolleve apo kurimit për pasoja që nuk lidhen me kushtet e kësaj kontrate; **5.16** ushtrimit të boksit, atletikes, mundjes apo sporteve të ngjashme me te, alpinizmit, kërcimit nga trampolina me ski apo hidroski, skive akrobatike, zhytjes në ujera (detit, liqenit, lumit, rezervuarit) me bombola oksigjeni dhe eksplorimit të fundit të këtyre ujrave, pjesëmarrjes në konkurimet e stërvitjet përkatëse të futbollit, hipizmit e çiklizmit, përveç në rastet kur ato kanë karakter zbavitës ose relaksues

Reziquet e parashikuara në pikat 5.4 dhe 5.16 të këtij neni do të mbulohen me sigurim, në rast se të Bashkësiguruarit e deklarojnë si veprimtari të ushtruar në policen e sigurimit kundrejt pagimit të një primi shtesë.

Neni 6. "TERRITORI I VLEFSHMERISE SE KONTRATES"

Kjo kontratë është e vlefshme vetëm në territorin e Republikës së Shqipërisë.

Neni 7. "SHUMA E SIGURIMIT"

Shuma e Sigurimit përcaktohet në policen e sigurimit sipas marrëveshjes së paleve, për të gjithë periudhën e sigurimit pavarësisht nga numri i aksidenteve si dhe brenda kufijve të vendosur në tabelën përkatëse. Për shumën më të lartë të sigurimit, kërkohej miratimi me shkrim i Siguruesit Albsig Sh.a.

Neni 8. "PRIMI I SIGURIMIT"

Primi i sigurimit përlogaritet për një kohezgjatje një vjeçare të kontratës së sigurimit, si funksion i shumës së sigurimit dhe tarifës së primit përkatës. Tarifa e primit të sigurimit përcaktohet në bazë të shumës

se sigurimit të rënë dakort mes paleve dhe nivelit të institucionit përkatës të edukimit (parashkollor, parauniversitar dhe universitar), në momentin e marrjes në sigurim. Primi i sigurimit si rregull paguhet menjëherë. Në rastet kur paguhet me keste, i fundit duhet të paguhet jo më vonë se 3 muaj, nga data e mbarimit të vlefshmërisë së kontratës. Nëse i Bashkësiguruari nuk paguan këstin e dytë e vijues, brenda 15 ditëve nga data e mbarimit të këtij detyrimi (periudha e besimit), policja e sigurimit quhet e zgjidhur automatikisht. Nëse vërtetohet dëmi i shkaktuar nga aksidente për gjatë periudhës së besimit atëherë Siguruesi është i detyruar të paguajë përfitim të plotë, të Bashkësiguruarve, duke zbritur apo mbajtur nga përfitimi, primin e maturuar dhe të paguar. Çdo dëm i shkaktuar nga aksidente të ndodhur pas periudhës së besimit është i patrajtueshëm.

Neni 9. "POLICA E SIGURIMIT DHE HYRJA NE FUQI"

Polica e Sigurimit, lëshohet mbi bazën e kërkesës me shkrim, plotësuar me të dhënat e të Bashkësiguruarve, përkundërt pagesës së primit të sigurimit. Polica e sigurimit pavarësisht kohës së lëshimit të saj dhe ose datës së fillimit të periudhës së mbulimit të përcaktuar në policë, hyn në fuqi në orën 24 të ditës së shtatë duke filluar nga data e kalimit të primit të sigurimit në llogarinë e Siguruesit dhe mbaron sipas datës së shënuar në policen e sigurimit. Çdo dëm i shkaktuar nga aksidente të ndodhur jashtë kësaj periudhe është i patrajtueshëm.

Neni 10. "NJOFITMET DHE DEKLARATAT E PASAKTA"

Bashkësiguruesi ose Kontraktuesi, me nënshkrimin e policës së sigurimit, është përgjegjës lidhur me saktësinë dhe vërtetësinë e njoftimeve dhe deklarimeve të

bera prej tyre. Siguruesi ka të drejte të verifikojë vertetësinë dhe saktësinë e njoftimeve dhe deklarimeve të personave të lartpermendur. Njoftimet dhe deklarimet e pasakta ose të paplota të kryera me dashje perbejnë shkak për zgjidhjen e polices së sigurimit. Primi i fituar nuk kthehet. Nëse njoftimet ose deklarimet e pasakta ose të paplota janë kryer në mirëbesim, gjithashtu perbejnë shkak për zgjidhjen e polices së sigurimit. Të gjitha njoftimet dhe deklarimet e të bashkesiguruarve ose Kontraktuesit, para dhe pas nenshkrimit të polices bëhen me shkrim.

Neni 11. "PERFUNDIMI I KONTRATES SE SIGURIMIT"

Kontrata e sigurimit zgjidhet: **11.1** në mënyrë të njëanshme, në rast se njëra nga palët nuk permbush detyrimet kontraktore. Kur pergjegjësia bie mbi Siguruesin, i Siguruari ka të drejtën e rimbursimit të primit për periudhën e mbetur të sigurimit. Kontrata konsiderohet e zgjidhur 30 ditë nga data e njoftimit me shkrim palet tjetër, në adresat e deklaruar në policen e sigurimit; **11.2** kur Siguruesi konstaton rrethana të tilla që në rast se do të njiheshin në momentin e lëshimit të kontrates, do të perbenin shkak për mos lidhjen e saj; **11.3** kur ka perfunduar plotësisht masa e perfitimeve ose ka mbaruar periudha e sigurimit.

Neni 12. "NJOFTIMI I AKSIDENTIT"

I Siguruari ose Përfituesi duhet të njoftojë menjëherë me mënyrën më të shpejtë të mundshme Siguruesin për ndodhjen e aksidentit dhe pasojat e tij, si edhe të zbatojë porositë e dhëna nga Siguruesi, për ngjarjen. Në kuptimin e kushteve të pergjithshme të kësaj kontrate do të konsiderohet i menjëhershëm njoftimi i dhënë Siguruesit, **a) Brenda ditës, kur i ka mundësitë shëndetsore për të bërë një**

njoftim të tille, b) Brenda 48 orëve, nga momenti që ka patur mundësi të bëjë këtë njoftim. Nëse njoftimi i mësipërm nuk është dhënë me shkrim, njoftimi i Aksidentit në këtë formë (me shkrim) **duhet t'i dërgohet Siguruesit brenda 14 ditëve**, duke filluar sikurse tregohet në paragrafin me sipër. Mos plotësimi i këtij kushti sjell humbjen e të drejtës së përfitimit nga aksidenti. Njoftimi i ndodhjes së aksidentit duhet të tregojë vendin, ditën, orën dhe shkakun e aksidentit.

Neni 13. "PËRGJEGJËSIA E SIGURUESIT"

Siguruesi paguan dëmshperblim për pasojat e drejtperdrejta dhe ekskluzive të shkaktuara nga aksidenti, sipas përcaktimeve në këtë kontratë. Në rast se në momentin e ndodhjes së aksidentit, i Siguruari nuk është fizikisht i plote dhe i shëndetshëm, janë të dëmshperblyeshme vetëm pasojat që do të vertetoheshin patjetër, duke supozuar se i njejtë aksident, do t'i kishte ndodhur një personi fizikisht të plotë dhe të shëndetshëm. Pergjegjësia maksimale e Siguruesit me vertetimin e ngjarjes së sigurimit, do të jetë vlera e shumës së siguruar, percaktuar në police. Në të gjitha perfitimet e meposhtme janë të perfshira respektivisht, pagesat e bëra për Paaftësinë e Perhershme të plotë, Paaftësinë e Perkohshme, Shpenzimet Mjekesore, Trajtimin Mjekesor Jashtë Shtetit. **Perfitimi për Vdekjen aksidentale të Nxënesit ose Studentit:** Nëse Nxënësi apo Studenti vdes si pasojë e një aksidenti, përfitimi do të jete i barabartë me Shumen e sigurimit të shënuar në policen e sigurimit.

Perfitimi për Vdekjen aksidentale të Prindit ose Kujdestarit I paguhet Nxënësit nëse si pasojë e aksidentit kanë gjetur vdekjen njeri apo të dy prinderit ose kujdestaret e të Siguruarit. Në rast të vdekjes së njerit nga prinderit, paguhet vetëm shumën e sigurimi. Në rast të vdekjes së dy prindërve në të

njëtin aksident, paguhet dyfishi i shumes se sigurimit.

Perfitimi per Paaftesine e Perhershme Totale të, femijeve/te Rinjve (kids/youth) per të gjitha format e paraqitura në Percaktimet e Vecanta, lidhur me perkufizimin e mësiperm, do të jetë 100% e shumës së Siguruar.

Perfitimi per Paaftesine e Perhershme të Pjeshme të, Femijeve/te Rinjve (kids/youth) paguhet si përqindje mbi shumen e siguruar, sipas percaktimeve të mëposhtme:

Humbja e plotë anatomike ose funksionale:	e djathte	e majte
gjymtyrë e sipërme (mbi artikulationin e brrylit)	70	60
njera dorë apo parakrah	60	50
imobilitet (palëvizshmeri), i artikulationit të kyçit	40	30
gishti i madh i dorës	18	16
gishti tregues	14	12
gishti i mesëm dhe/ose i unazës	8	6
gishti i vogel i dorës	12	10
një falange e gishtit të madh	9	8
një falange e gishtave të tjere të dorës	1/3 gishtit te gishtit perkates	
humbja e një syri	40	
një këmbë (nen kyç)	40	
një gjymtyrë e poshtme, mbi gjurin	60	

një gjymtyrë e poshtme, në ose nën gju	50
imobilitet total i kofshës në nivelin eartikulationit koksofemoral	40
imobilitet total i perdorimit të një këmbë në nivelin e nyjes së këmbës	30
gishti i madh i këmbës	5
gishtat e tjerë të këmbës	3
një falange e gishtit të madh të këmbës	2.5
një falange e gishtit tjetër të këmbës	1
shurdhimi i plotë i një veshi	10
shurdhimi i plotë në të dy veshët	40
shpretka	10
nje veshkë	30
humbje e plotë e zërit	30
ngushtim hundor i dyanshëm	15
ndrydhje e vertebrave të qafës	10
vertebrat kurrizore	7
vertebra e 12-të kurrizore	12
5 kryqe	12
Frakturë e kërbishtit dhe bishtit me deformim e dhimbje	5

Nëse nga një ngjarje e re sigurimi, shkaktohet humbja anatomike ose pakësimi funksional i një organi, të dëmtuar perpara kësaj ngjarje nga një aksident tjetër, i mbuluar ose jo nga kjo kontratë sigurimi, perfitimit që rezulton nga perqindjet e treguara më sipër, do t'i zbritet shkalla e invaliditetit të mëparshëm pësuar në organin dhe/ose gjymtyrën përkatëse. Kur i Siguruari është mengjarash, perqindjet e mesiperme lidhur me gjymtyret e djathta do të vlejné për ato të majta dhe anasjelltas. Nëse për shkak të aksidentit vjen si pasoje pakësimi por jo humbja e plotë, perqindjet e latpermendura do të pakesohen në përpjestim me shkallen e humbjes anatomike apo funksionale. Në rastet e paaftësisë së perhershme të pa përcaktuar në tabelën më sipër, dëmshperblimi caktohet duke iu referuar perqindjeve të treguara më lart, duke patur parasysh shkallen e humbjes së aftësive normale fizike e mendore të Siguruarit. Nëse i Siguruari pëson humbje anatomike ose funksionale të ndryshme (të pa inkuadrueshme tek njera tjetra), Siguruesi paguan dëmshperblim të barabartë me shumën e perqindjeve të paaftësisë së perhershme për çdo humbje, por jo më shumë se 100% e shumës së siguruar.

Përfitimi për Paaftësinë e Përkohshme: paguhet në masën 75 % të ditës së punës së prindit/ kujdestarit për çdo ditë mungese në punë për shkak të asistimit të Nxënësit. Masa e kompensimit është jo më pak se 400, por jo më shumë se 800 lek në ditë. Përfitimet për paaftësi të përkohshme, paguhet për një periudhë deri në 90 dite kalendarike, qoftë edhe jo të vijueshme. Përfitimi i lartpërmendur behet efektiv vetëm atëherë kur si pasoje e rastit të sigurimit, nevojiten me shumë se 5 ditë të vijueshme asistencë, sipas rekomandimeve të mjekut.

Perfitimi për shpenzime mjekesore të Nxënësit ose Studentit që nënkupton trajtim mjekësor në entet shëndetësore dhe shpenzimet për medikamentet e nevojshme të konsumuara brenda ose jashtë këtyre enteve shëndetësore, **paguhet deri në shumën e siguruar.** Shpenzimet mjekesore si më sipër duke përfshirë edhe ato të udhëtimit paguhet edhe në rastin kur për shkak të një aksidenti i dëmtuari trajtohet në një Ent shëndetësor jashtë shtetit, por gjithnjë sipas rekomandimit të Autoritetit mjekësor dhe miratimit paraprak të Siguruesit. **Të gjitha kompensimet sipas përfitimeve të përcaktuara në këtë nen të kontratës në total nuk mund të kalojnë shumën e Sigurimit që përbën përgjegjësinë maksimale të Siguruesit, përveç rastit të vdekjes së dy prindërve në të njëjtin aksident, ku përgjegjësia e Siguruesit dyfishohet.**

Neni 14. "KERKESA PËR MARRJEN E PERFITIMIT DHE PAGESA E TIJ"

I Siguruari ose Perfituesi, për marrjen e perfitimit, i paraqet Siguruesit një kërkesë me shkrim e cila duhet të tregojë, emrin e të Siguruarit, numrin dhe datën e leshimit të polices së sigurimit, së ciles i bashkëngjiten edhe dokumente të tjera të nevojshme, për vertetimin dhe verifikimin e aksidentit dhe pasojave të tij. Barra e shpenzimeve për marrjen dhe dergimin e këtyre dokumentave Siguruesit, është në ngarkim të Siguruarit. Dokumentacioni i plotë bashkëngjitur kërkesës për kompensim dorëzohet brenda 30 diteve, duke filluar nga data e aksidentit dhe/ose dita që ai ka patur mundësi për të filluar grumbullimin e këtyre dokumenteve. Paga e dëmshperblimit bëhet në monedhen e treguar në policën e sigurimit.

Neni 15. "VLERESIMI I GJENDJES SHENDETESORE"

Vlerësimi i gjendjes shëndetsore kryhet mbi bazën e dokumentave të pakundërshtueshme të paraqitura prej të Siguruarit, si edhe nga ekspertët ose grupi i ekspertëve të caktuar dhe/ose besuar të Siguruesit, që aktivizohen me zgjedhjen e lire të tij, për kryerjen e ekspertizave të nevojshme, për vlerësimin e kostove të dëmit të pësuar, nga i Siguruari. I Bashkësiguruari në cilësinë e nxënësit dhe studentit duhet të ndjeke këshillat e mjekut dhe duhet të bëjë çdo përpjekje për të minimizuar pasojat e aksidentit. Në rast vdekjeje të Bashkësiguruarve, Përfituesi është i detyruar t'i lejojë Siguruesit të kryejë verifikimet dhe ekspertimet e nevojshme lidhur me këtë aksident. Ekspertët apo grupi i ekspertëve është i detyruar të hartojë akt ekspertizën brenda 15 ditëve nga marrja e dokumentacionit nga i Bashkësiguruari, përveç kur shkalla e dëmtimeve nuk mund të përcaktohet brenda një afati të tillë. Në kushtet e paragrafit të mësipërm, në rastin e zhdukjes të Bashkësiguruarit, apo të dërgimit jashtë shtetit për trajtim mjekësor, kur Siguruesi është i bindur se ngjarja e sigurimit është e pagueshme, mundet me kërkesën me shkrim të Siguruarit dhe/ose Përfituesit të paguajë deri në 50% të vlerës së perfitimit të parashikuar. Dëmshperblimi paraprak kërkohet jo më vonë se një vit nga dita e ndodhjes së aksidentit dhe në çdo rast do t'i zbritet masës së dëmshperblimit përfundimtar të përlogaritur nga Siguruesi. Në rast paaftësie të perkoheshme certifikatat mjekësore duhet të ripërterihen në përfundim të afateve perkatëse.

Neni 16. "ZGJIDHJA E MOSMARREVESHJEVE"

Mosmarreveshjet që mund të lindin midis Siguruesit dhe të Siguruarit në rast se nuk zgjidhen me mirekuptim, zgjidhen në rrugë

gjyqësore. Përveç sa është e parashikuar shprehimisht në dispozitat e këtyre kushteve të sigurimit, do të zbatohen dispozitat e Kodit Civil.

Neni 17. "MBROJTJA E TË DHËNAVE PERSONALE"

Në zbatim të ligjit nr. 124/2024 "Për mbrojtjen e të dhënave personale" dhe akteve nënligjore në bazë dhe për zbatim të tij, Siguruesi Albsig sh.a. dhe personat e autorizuar prej tij, janë të autorizuar të mbledhin, përpunojnë dhe kontrollojnë të dhënat personale të të Siguruarit dhe/ose Përfituesit, për qëllimet e lidhjes, administrimit dhe ekzekutimit të kontratës së sigurimit të shëndetit. Përpunimi i të dhënave personale përfshin të gjitha veprimet e nevojshme për përmbushjen e detyrimeve kontraktuale dhe ligjore të Siguruesit, në përputhje me parimet e ligjshmërisë, transparencës dhe ruajtjes së konfidencialitetit. Llojet e të dhënave që mund të përpunohen përfshijnë: **a) Të dhënat e gjendjes civile:** emër, mbiemër, numër personal, adresë, datëlindje, kopje të dokumentit të identifikimit; **b) Të dhëna shëndetësore sensitive:** historik mjekësor, diagnoza, rezultatet e ekzaminimeve mjekësore dhe imazherike, trajtime, receta, medikamente, fatura mjekësore dhe farmaceutike, si dhe çdo informacion tjetër që lidhet me gjendjen shëndetësore të të Siguruarit; **c) Të dhëna financiare:** numri i llogarisë bankare (IBAN), mandatpagesa, të dhëna transaksionesh apo pagesash lidhur me kontratën e sigurimit.

I Siguruari deklaron se është plotësisht i informuar dhe jep pëlqimin e tij për përpunimin e këtyre të dhënave sipas kushteve të përshkruara më sipër.